

Қазақстан Республикасының Денсаулық сақтау министрлігі санитариялық-эпидемиологиялық бақылау комитеті		Нысанның БҚСЖ бойынша коды КҰЖЖ бойынша ұйым коды
«Шығыс Қазақстан облысының санитариялық-эпидемиологиялық бақылау департаменті» республикалық мемлекеттік мекемесі		Қазақстан Республикасы Ұлттық экономика министрінің 2015 жылғы «30» мамырдағы № 415 бұйрығымен бекітілген № 015/у нысанды медициналық құжаттама

**Шығыс Қазақстан облысының халқы арасында
COVID-19 коронавирустық инфекциясымен сырқаттанушылықтың
алдын алу жөніндегі шараларды күшейту туралы
№10-1
ҚАУЛЫ**

2021 жылғы 24 шілде

Өскемен қаласы

Мен, Шығыс Қазақстан облысының Бас мемлекеттік санитариялық дәрігері Қ.А. Турдиев, мына құжаттарды:

Қазақстан Республикасының аумағында коронавирустық инфекцияның пайда болуы мен таралуына жол бермеу жөніндегі ведомствоаралық комиссияның 2021 жылғы 7 шілдедегі; 2021 жылғы 12 шілдедегі шешімдерін;

Қазақстан Республикасы Бас мемлекеттік санитариялық дәрігерінің «Қазақстан Республикасының халқы арасында коронавирустық инфекция ауруының алдын алу жөніндегі шараларды одан әрі күшейту туралы» 2020 жылғы 25 желтоқсандағы № 67 (бұдан әрі - ҚР БМСД 2020 жылғы 25 желтоқсандағы №67 қаулысы); «Қазақстан Республикасының Бас мемлекеттік санитариялық дәрігерінің қаулыларына өзгерістер мен толықтырулар енгізу туралы» 2021 жылғы 14 шілдедегі №32 қаулыларын;

Қазақстан Республикасы Денсаулық сақтау министрінің 2020 жылғы 21 желтоқсандағы № ҚР ДСМ-293/2020 бұйрығымен бекітілген шектеу іс-шараларын, оның ішінде карантинді жүзеге асыру қағидаларын және пайда болу және таралу қаупі төнген кезде шектеу іс-шаралары, оның ішінде карантин енгізілетін инфекциялық аурулардың тізбесін;

Қазақстан Республикасы Денсаулық сақтау министрінің м.а. 2021 жылғы 27 мамырдағы № ҚР ДСМ-47 бұйрығымен бекітілген «Жіті респираторлық вирустық инфекциялар, тұмау және олардың асқынулары (пневмония), менингококк инфекциясы, COVID-19 коронавирустық инфекциясы, желшешек, скарлатина кезінде санитариялық-эпидемияға қарсы, санитариялық-профилактикалық іс-шараларды ұйымдастыруға және жүргізуге қойылатын санитариялық-эпидемиологиялық талаптар» санитариялық қағидаларын (бұдан әрі - 2021 жылғы 27 мамырдағы № ҚР ДСМ-47 санитариялық қағидалары);

COVID-19 коронавирустық инфекциясы бойынша Шығыс Қазақстан облысындағы, Қазақстан Республикасының басқа облыстарындағы және іргелес мемлекеттердегі санитариялық-эпидемиологиялық ахуал туралы **жедел мәліметтерді қарап,**

Есептік өлшемшарттар негізінде COVID-19 науқастарын емдеуге арналған инфекциялық стационарлардағы төсек қорының (ТҚ) қамтылу пайызы – 13,3 %, облыс бойынша инфекцияның репродуктивтік мәні (R) – 1,145 құрағанын **анықтадым.**

Шығыс Қазақстан облысының халқы арасында COVID-19 коронавирустық инфекциясының «Дельта» үнді штаммының әкелінуі мен таралуының алдын алу мақсатында, «Халық денсаулығы және денсаулық сақтау жүйесі туралы» Қазақстан Республикасы Кодексінің 38-бабының 1-тармағының 4) тармақшасы, 2-тармағының 3) тармақшасы, 102, 104 – баптары негізінде, **ҚАУЛЫ ЕТЕМІН:**

1. «Шығыс Қазақстан облысының халқы арасында COVID-19 коронавирустық инфекциясымен сырқаттанушылықтың алдын алу жөніндегі шараларды күшейту туралы» Шығыс Қазақстан облысының Бас мемлекеттік санитариялық дәрігерінің 2021 жылғы 18 шілдедегі № 10 қаулысына келесідей өзгерістер мен толықтырулар енгізілсін:

1) 1.1-тармақ келесі редакцияда жазылсын:

«1.1 Қалалар мен аудандардың әкімдері, мемлекеттік, құқық қорғау және арнайы органдар, меншіктің және ведомстволық бағыныстылықтың барлық нысандарындағы шаруашылық жүргізуші субъектілері:

Осы қаулының 1-қосымшасына сәйкес **«қызыл» аймақ** үшін қарастырылған Шығыс Қазақстан облысының әлеуметтік-экономикалық объектілерінің жұмысын шектеуді және рұқсат беруді іске асыруды және бақылауды қамтамасыз етсін.

2) Қаулының 1.2-тармағы алынып тасталсын;

3) Қаулының 1-қосымшасы осы қаулыға 1-қосымшаға сәйкес **жаңа редакцияда жазылсын.**

2. Қаулы меншік нысанына қарамастан барлық жеке және заңды тұлғалардың орындауы үшін міндетті.

3. Осы қаулы барлық мүдделі ведомстволардың назарына жеткізілсін, халық ресми веб-ресурстар, БАҚ, әлеуметтік желілер және өзге де ақпараттық ресурстар арқылы хабардар етілсін.

4. Осы қаулының орындалуын бақылауды өзіме қалдырамын.

5. Осы қаулы 2021 жылғы 27 шілдеден бастап күшіне енеді және оның ресми күші жойылғанға дейін қолданылады.

М. О.

**Шығыс Қазақстан облысының
Бас мемлекеттік
санитариялық дәрігері**



Қ. Турдиев

Қаулыны алдым

(лауазымы, тегі, аты, әкесінің аты, алған күні, қолы)

Шығыс Қазақстан облысының
Бас мемлекеттік санитариялық дәрігерінің
2021 жылғы 24 шілдедегі
№ 10-1 қаулысына
1 – қосымша

Шығыс Қазақстан облысының
Бас мемлекеттік санитариялық дәрігерінің
2021 жылғы 18 шілдедегі
№ 10 қаулысына
1 – қосымша

**Тәуекел аймағына байланысты («қызыл» аймақ) Шығыс Қазақстан облысының
әлеуметтік-экономикалық объектілерінің жұмысын шектеу және рұқсат беру
өлшемшарттары**

№	Объектілер/салалар	«ҚЫЗЫЛ» АЙМАҚ
1.	Халықпен байланыс деңгейі төмен кәсіпкерлік объектілері:	Рұқсат етілген
	- автожуу, көлік құралдарына техникалық қызмет көрсету және жөндеу объектілері	Рұқсат етілген
	- ателье, тігін шеберханалары, тұрмыстық техниканы, аяқ киімді, телефондарды, компьютерлерді, сағаттарды жөндеу объектілері, кілттерді дайындау, «тұрмыстық үй» қағидаты бойынша қызметтер және т. б., химиялық тазалау, кір жуу орындары, гүл сату дүкендері, фотосалондар, тауарларды жеткізумен айналысатын ұйымдар, авто-экспресс (алып кетуге арналған тамақ)	Рұқсат етілген
	- ЖҚС (автожанармай құю станциялары)	Рұқсат етілген
2.	Халыққа қызмет көрсету бойынша абоненттік бөлімдер	Рұқсат етілген
3.	Тәулік бойы мониторинг қызметтерін көрсететін ұйымдарды (авариялық хабарлау жүйелері, персоналды, техниканы жер астында жайғастыру және т. б.) қоспағанда, туристік компаниялар, бизнес-орталықтар (сақтандыру компаниялары, адвокат, нотариус, бухгалтер, консалтинг, жылжымайтын мүлік жөніндегі агенттіктер, жарнама агенттіктері, сот орындаушылары қызметтері)	Рұқсат етілген Бір отбасы мүшелерін қоспағанда, жеке қызмет көрсетумен (бір клиенттен).
4.	Дәріханалар және дәріханалық бөлшек сауда желісі, оның ішінде сауда объектілерінде орналасқан дәріханалар	Рұқсат етілген
5.	Амбулаториялық үлгідегі медициналық ұйымдар (емдеу мекемелері)	Рұқсат етілген
6.	Стационарлық сипаттағы қызметтер көрсететін медициналық ұйымдар (емдеу мекемелері)	✓ Рұқсат етілген Карантинді қамтамасыз ету және күшейтілген санитариялық-дезинфекциялық режимді сақтау
7.	Стоматологиялық медициналық орталықтар (кабинеттер)	✓ Рұқсат етілген Алдын ала жазылу бойынша.

8.	Медициналық-әлеуметтік объектілер және ардагерлер мен мүгедектерге арналған оңалту орталықтары	✓ Рұқсат етілген Күшейтілген санитариялық-дезинфекциялық режимді қамтамасыз ету және сақтау.
9.	Балалар түзету кабинеттері, секциялар, үйірмелер, факультативтер, балалар және ересектерге арналған білім беру орталықтары	✓ Демалыс (сенбі, жексенбі) және мереке күндерінен басқа уақытта рұқсат етілген. Топтар бір адамға 4 ш.м. есебінен, балалар (ересектер) арасындағы қашықтықты сақтау шартымен құрылады, бірақ топта 15 баладан (ересектерден) аспауы керек, алдын ала жазылу бойынша.
10.	Косметологиялық қызметтер орталықтары және сұлулық салондары, шаштараздар, барбер-шоптар, маникюр және педикюр, массаж және татуаж кабинеттері	✓ Рұқсат етілген 1 келушіге ауданы кемінде 4 ш.м., алдын ала жазылу бойынша
11.	<u>Ғимараттардың сыртындағы азық-түлік базарлары</u>	Рұқсат етілген Келушілердің әлеуметтік қашықтық пен маскалық режимді сақтауын бақылау үшін қызметкерлер қатарынан санитариялық патрульдер құру ұсынылады, аумаққа маска тағып кіру.
12.	<u>Ғимараттардың ішіндегі азық-түлік базарлары</u>	✓ Рұқсат етілген Толтырылуын 30%-дан асырмай, келушілерді кірген кезде термометриядан өткізгенде, сенбі және жексенбі күндері – қызметіне тыйым салынған. Келушілердің әлеуметтік қашықтық пен маскалық режимді сақтауын бақылау үшін қызметкерлер қатарынан санитариялық патрульдер құру ұсынылады, аумаққа маска тағып кіру. «Ashyq» жобасына қатысатын объектілерге: Рұқсат етілген
13.	<u>Ғимараттардың сыртындағы азық-түлік сатпайтын базарлар</u>	Демалыс (сенбі, жексенбі) және мереке күндерінен басқа уақытта рұқсат етілген. Келушілердің әлеуметтік қашықтық пен маскалық режимді сақтауын бақылау үшін қызметкерлер қатарынан санитариялық патрульдер құру ұсынылады, аумаққа маска тағып кіру. «Ashyq» жобасына қатысатын объектілерге: Рұқсат етілген
14.	<u>Ғимараттардың ішіндегі азық-түлік сатпайтын базарлар</u>	✓ Демалыс (сенбі, жексенбі) және мереке күндерінен басқа уақытта рұқсат етілген. Толтырылуын 30%-дан асырмай, келушілерді кірген кезде термометриядан өткізгенде. Келушілердің әлеуметтік қашықтық пен маскалық режимді сақтауын бақылау үшін қызметкерлер қатарынан санитариялық патрульдер құру ұсынылады, аумаққа маска тағып кіру. «Ashyq» жобасына қатысатын объектілерге: Рұқсат етілген
15.	<u>Азық-түлік тауарларын сатпайтын сауда залының ауданы 2000 ш.м дейінгі сауда объектілері (дүкендер, бөлімдер, шағын маркеттер, бутиктер және т.б.)</u>	✓ Демалыс (сенбі, жексенбі) және мереке күндерінен басқа уақытта рұқсат етілген. Сауда залының ауданы 50 ш.м. дейінгі үй-жайларда бір отбасы мүшелерін қоспағанда, бір уақытта 4 адамға дейін рұқсат етіледі Сауда залының ауданы 50-ден 100 ш.м. дейін болған кезде - тиісінше 8 адамға дейін

		Сауда залының ауданы 100 ш.м. астам болған кезде - толтырылуын 30%-дан асырмай, 1 келушіге ауданы кемінде 4 ш.м. Жеткізуге шектеусіз
		«Ashyq» жобасына қатысатын объектілерге: Рұқсат етілген
16.	Азық-түлік және әмбебап ассортименттегі азық-түлік емес тауарларды, оның ішінде өзіне-өзі қызмет көрсету нысаны бойынша сауда объектілері (<i>супермаркеттер, гипермаркеттер, сауда үйлері, сауда желілері, сауда орталықтары, СОО, көтерме-бөлік сатудың сауда-логистикалық орталықтары, сауда-қоғамдық ғимараттар</i>), сондай-ақ сауда залының ауданы 2000 ш.м астам дүкендер, бөлімдер, шағын маркеттер, бутиктер	✓ Оларда орналасқан азық-түлік тауарларын сататын бөлімдерді, дәріханаларды және дәріхана желілерін қоспағанда, демалыс (сенбі, жексенбі) және мереке күндерінен басқа, жұмыс күндері сағат 18.00-ге дейін рұқсат етілген. Толтырылуын 30%-дан асырмай, келушілерді кірген кезде термометриядан өткізгенде, жұмыс күндері қолданыстағы жұмыс кестесі (режимі). Келушілердің әлеуметтік қашықтық пен маскалық режимді сақтауын бақылау үшін қызметкерлер қатарынан санитариялық патрульдер құру ұсынылады, аумаққа маска тағып кіру. Жеткізуге шектеусіз.
	Сауда үйлері, сауда орталықтары, СОО	«Ashyq» жобасына қатысатын объектілерге: сағат 18.00-ге дейін рұқсат етілген
17.	Азық-түлік тауарларын сататын сауда объектілері (дүкендер, бөлімдер, шағын маркеттер, оның ішінде зоодүкендер)	Рұқсат етілген Сауда залының ауданы 50 ш.м. дейінгі үй-жайларда бір отбасы мүшелерін қоспағанда, бір уақытта 4 адамға дейін рұқсат етіледі Сауда залының ауданы 50-ден 100 ш.м. дейін болған кезде - тиісінше 8 адамға дейін Сауда залының ауданы 100 ш.м. астам болған кезде - толтырылуын 30%-дан асырмай, 1 келушіге ауданы кемінде 4 ш.м. Жеткізуге шектеусіз
18.	Демалыс күнгі ашық ауадағы ауыл шаруашылығы, азық-түлік жәрмеңкелері	Рұқсат етілген
19.	Халықтың тұруы бойынша қызметтер көрсету саласындағы ұйымдар (қонақ үйлер, отельдер, санаторий-курорттық ұйымдар, демалыс үйлері/базалары, туристік базалар және т. б.)	✓ Рұқсат етілген Номерлер қорының толтырылуы 80% - ға дейін
	Қонақ үйлер, отельдер	«Ashyq» жобасына қатысатын объектілерге: шектеусіз жұмыс істеуге рұқсат етілген
20.	Мейрамхана, дәмхана және кофехана** типі бойынша қоғамдық тамақтану объектілері (үй-жайда)	✓ Демалыс (сенбі, жексенбі) және мереке күндерінен басқа, жұмыс күндері сағат 09.00-ден 18.00-ге дейін жұмыс істеуге рұқсат етілген Бұқаралық, отбасылық, ұжымдық (корпоративтік) іс-шараларды, конкурстарды (интерактивті іс-шаралардан басқа, өз үстелінен шықпай), билерді өткізбей, көрші үстелдердің шеткі орындары арасында кемінде 2 метр әлеуметтік қашықтықты сақтай отырып және бір үстелге 4-6 адамнан аспайтын мөлшерде отырғызып, толтырылуы 50%-ға дейін , бірақ отыратын орындар санын 30 орыннан

		<p>асырмай</p> <p>«Шектеу іс-шараларын, оның ішінде карантинді енгізу кезеңінде тамақ жеткізуді жүзеге асыратын қоғамдық тамақтану ұйымдарына қойылатын талаптарды» сақтай отырып, жеткізуге шектеусіз</p> <p>Өнеркәсіптік кәсіпорындарға, медициналық мекемелерге, туризм объектілеріне және халықтың тұруы бойынша қызметтер көрсету саласындағы ұйымдарға (қонақ үйлер, отельдер, демалыс үйлері, туристік базалар және т. б.) қызмет көрсететін қоғамдық тамақтану объектілері қызмет көрсететін объектінің штаттық режимінде, толтырылуын отыратын орындар санының 50%-нан асырмай, қызмет көрсететін объектілердің қызметкерлерін, клиенттерін, пациенттерін және басқа да адамдардың тамақтануларын ұйымдастыру үшін жұмыс істей алады</p> <p>Білім беру және тәрбиелеу ұйымдарындағы қоғамдық тамақтану объектілері тамақтану залының отыратын орындарының жобалық қуатының 30% - нан аспайтын мөлшерде толтырылуымен, шектеу іс-шараларын, оның ішінде карантинді енгізу кезеңінде білім беру ұйымдарындағы қоғамдық тамақтану объектілеріне қойылатын талаптарды сақтаған кезде жұмыс істей алады</p> <p>«Ashyq» жобасына қатысатын объектілерге: толтырылуы 50%-ға дейін, бірақ 50 орыннан асырмай сағат 7.00-ден 20.00-ге дейін жұмыс істеуге рұқсат етілген</p>
21.	Асханалар типі бойынша қоғамдық тамақтану объектілері	<p>Сағат 09.00-ден 18.00-ге дейін жұмыс істеуге рұқсат етілген</p> <p>«Шектеу іс-шараларын, оның ішінде карантинді енгізу кезеңінде тамақ жеткізуді жүзеге асыратын қоғамдық тамақтану ұйымдарына қойылатын талаптарды» сақтай отырып, жеткізуге шектеусіз</p> <p>Өнеркәсіптік кәсіпорындарға, медициналық мекемелерге, туризм объектілеріне және халықтың тұруы бойынша қызметтер көрсету саласындағы ұйымдарға (қонақ үйлер, отельдер, демалыс үйлері, туристік базалар және т. б.) қызмет көрсететін қоғамдық тамақтану объектілері қызмет көрсететін объектінің штаттық режимінде, толтырылуын отыратын орындар санының 50%-нан асырмай, қызмет көрсететін объектілердің қызметкерлерін, клиенттерін, пациенттерін және басқа да адамдардың тамақтануларын ұйымдастыру үшін жұмыс істей алады</p> <p>Білім беру және тәрбиелеу ұйымдарындағы қоғамдық тамақтану объектілері тамақтану залының отыратын орындарының жобалық қуатының 30% - нан аспайтын мөлшерде толтырылуымен, шектеу іс-шараларын, оның ішінде карантинді енгізу кезеңінде білім беру ұйымдарындағы қоғамдық тамақтану объектілеріне қойылатын талаптарды сақтаған кезде жұмыс істей алады</p>
22.	Жазғы алаңдар	<p>✓</p> <p>09.00-ден 18.00-ге дейін жұмыс істеуге рұқсат етілген</p> <p>«Ashyq» жобасына қатысатын объектілерге: толтырылуы 50%-ға дейін, бірақ 50 орыннан асырмай сағат 07.00-ден 20.00-ге дейін жұмыс істеуге рұқсат етілген</p>
23.	Стрит-фудтар (жеке тұрған)	Рұқсат етілген, отыратын орындарсыз

	шатыр/ларек/отыратын орны жоқ дүңгіршек)	
24.	Қоғамдық тамақтану объектілері: фудкорттар (сауда орталығындағы, қонақ үйдегі, әуежайдағы, вокзалдағы немесе кейбір жағдайларда келушілерге тамақтануға арналған ортақ залы бар бірнеше тамақтандыру кәсіпорындары бірден қызмет көрсететін жеке ғимараттардағы тамақтану аймағы)	Демалыс (сенбі, жексенбі) және мереке күндерінен басқа, жұмыс күндері сағат 18.00-ге дейін, тек тамақты алып кетуге ғана рұқсат етілген. Онлайн жеткізуге шектеусіз. «Ashyq» жобасына қатысатын объектілерге: толтырылуы 20%-ға дейін, бірақ 30 орыннан асырмай, сағат 10.00-ден 20.00-ге дейін жұмыс істеуге рұқсат етілген
25.	ХҚҚО	Рұқсат етілген Уақыт бойынша шектеумен сағат 09.00-ден 18.00-ге дейін Электрондық Үкімет порталы немесе 1414 Call-орталық арқылы кезекті алдын ала брондау бойынша жеке және заңды тұлғалар үшін «Ashyq» жобасына қатысатын объектілерге: Рұқсат етілген
26.	«Қазпошта» АҚ филиалы мен оның бөлімшелері	✓ Рұқсат етілген Уақыт бойынша шектеумен сағат 09.00-ден 18.00-ге дейін Қызметтерді барынша онлайн-форматта көрсету
27.	Қаржы секторы субъектілері: <i>екінші деңгейдегі банктер; банк операцияларының жекелеген түрлерін жүзеге асыратын ұйымдар (қызметін тек қана ҚР Ұлттық Банкінің қолма-қол шетел валютасымен айырбастау операцияларына лицензиясы негізінде айырбастау пункттері арқылы жүзеге асыратын заңды тұлғалар), ипотекалық ұйымдар; сақтандыру (қайта сақтандыру) ұйымдары; сақтандыру брокерлері; құнды қағаздар нарығында брокерлік қызметті жүзеге асыратын ұйымдар; микроқаржы ұйымдары, кредиттік серіктестіктер, ломбардтар; төлем ұйымдары, коллекторлық агенттіктер</i>	✓ Рұқсат етілген Уақыт бойынша шектеумен сағат 09.00-ден 18.00-ге дейін ҚР Ұлттық Банкі Төрағасы мен ҚР Қаржы нарығын реттеу және дамыту агенттігі төрағасының бірлескен актісінің (бұйрығының) талаптарын сақтаған кезде
28.	Мектепке дейінгі балалар мекемелері/ұйымдары	✓ Рұқсат етілген 15 адамға дейін жинақтау сақталған кезде кезекші топтар Міндетті түрде таңертеңгі сүзгіні өткізу, персоналдың маскалық режимді сақтауы, термометрияны, күшейтілген санитариялық-дезинфекциялық режимді жүргізу, бірнеше топты біріктіретін іс-шараларды жүргізбеу, ата-аналардың, мектепке дейінгі мекемелерге әкелетін адамдардың кіруіне рұқсат бермеу кезінде COVID-19 коронавирустық инфекциясы тіркелген жағдайда осы қаулыға 2-қосымшаға сәйкес «Білім беру және тәрбиелеу объектілерін карантинге жабу және қашықтықтан оқыту форматына ауысу өлшемшарттары» қолданылады
29.	Орта білім беретін оқу орындары, оның ішінде лицей мәртебесімен	✓ Рұқсат етілген Дәстүрлі форматта қалалық және ауылдық мектептерде 300 оқушыға дейінгі контингентпен, сыныптардағы балалар саны 25 адамға дейін оқыту Білім беру мекемесі әкімшілігінің шешімі бойынша сабақтан тыс уақытта 15 адамнан аспайтын топтарда оқушыларды жеке оқыту Жалпы білім беретін мектептерде мектеп алды сыныптардың, 1 сыныптан 5 сыныпқа дейін қоса алғанда, халықаралық мектептерде - 1 сыныптан 7

		<p>сыныпқа дейін қоса алғанда, сыныптарда 25-ке дейін бала санымен оқушыларды аралас форматта оқыту</p> <p>Оқу бітіретін сыныптар (9, 11 (12) сыныптар) үшін аптаның 6 күні ішінде аралас форматта оқыту: пәндердің 70%-ы штаттық режимде, 30%-ы қашықтықтан оқыту (сыныпта 15 адамнан артық емес, «1 сынып - 1 кабинет» қағидаты бойынша оқыту, санитариялық-дезинфекциялық және маскалық режимдерін сақтау);</p> <p>Орта білім беру объектілері оқушыларының білімін бағалау бойынша республикалық олимпиадаларды өткізуге үй-жайдың толтырылуы 15 адамға дейін, шахмат тәртібімен отырғызғанда, маскалық режимді және кемінде 1,5 метр әлеуметтік қашықтықты сақтағанда рұқсат етіледі. Үй-жайларды адамдар болған кезде пайдалануға рұқсат етілген ауаны зарарсыздандыруға арналған аспаптармен (рециркуляторлар, экрандалған бактерицидті сәулелегіштер) жабдықтау ұсынылады.</p> <p>COVID-19 коронавирустық инфекциясы тіркелген жағдайда осы қаулының 2-қосымшасына сәйкес «Білім беру және тәрбиелеу объектілерін карантинге жабу және қашықтықтан оқыту форматына ауысу өлшемшарттары» қолданылады</p>
30.	Техникалық және кәсіптік білім беру (ТжКББ) жүйесінің мекемелері, ЖОО	<p>✓</p> <p>Рұқсат етілген</p> <p>Оқушыларды және I курс студенттерін штаттық оқыту</p>
31.	Жұмыс берушілер (мемлекеттік органдардың, ұйымдардың, кәсіпорындардың, квазимемлекеттік сектор субъектілерінің, өзге де ұйымдардың, кәсіпкерлік субъектілерінің, кеңселердің, тіршілікті қамтамасыз ету, қауіпсіздік, құқық тәртібі объектілерін, технологиялық процестің үздіксіз циклі бар кәсіпорындарды қоспағанда) ^(сілтемені қараңыз)	<p>✓</p> <p>80% – қашықтықтан; 20% – көзбе-көз режим</p> <p>Міндеттерін қашықтықтан орындау мүмкін емес қызметкерлерді қоспағанда, COVID-19-ға қарсы вакцинацияланбаған және соңғы 6 ай ішінде COVID-19-бен ауырмаған қызметкерлер қашықтықтан жұмыс істеу форматына ауыстырылады</p>
32.	Кеңестер (отырыстар)	<p>✓</p> <p>Рұқсат етілген</p> <p>Көзбе-көз режимде өткізу (оларды қашықтықтан өткізу мүмкіндігі болмаған кезде)</p>
33.	Діни бірлестіктер объектілері (мешіттер, шіркеулер, соборлар, синагогалар және т. б.)	<p>✓</p> <p>Рұқсат етілген</p> <p>Жабық үй-жайларда ұжымдық іс-шараларды өткізбей</p> <p>Мешіттер, православие шіркеулері және басқа да діни объектілер аумағында ұжымдық діни іс-шараларды (оның ішінде «жұма намазы», күнделікті православиелік дұғалар және басқаларын) ашық ауада өткізуге маскалық режим мен 1 (бір) адамға кемінде 4 ш.м. есебінен әлеуметтік қашықтық сақталған кезде рұқсат етілген</p>
34.	Моншалар	Рұқсат етілген
35.	Сауналар	<p>✓</p> <p>Демалыс (сенбі, жексенбі) және мереке күндерінен басқа, жұмыс күндері сағат 20.00-ге дейін жұмыс істеуге рұқсат етілген</p> <p>«Ashuq» жобасына қатысатын объектілерге: жұмыс істеуге рұқсат етілген</p>

36.	Меншік нысанына қарамастан жабық спорт объектілері (спорт мектептері, спорт клубтары, жаттығу залдары, клуб командаларының жаттығу залдары), жабық құрылыстардағы мұз айдындары	✓ Демалыс (сенбі, жексенбі) және мереке күндерінен басқа уақытта рұқсат етілген. Көрермендерсіз жеке (қатысушылар саны 5 адамға дейін) және топтық (қатысушылар саны 30 адамға дейін) жаттығуларды өткізу үшін <i>«Ashyq» жобасына қатысатын объектілерге: жұмыс істеуге рұқсат етілген</i>
37.	Спорт кешендері, жаттығу залдары, спорттық-сауықтыру жаттығуларымен айналысуға арналған үй-жайлар, бассейндері бар спорттық-сауықтыру объектілері, бассейндер, йога орталықтарын қоса алғанда фитнес-орталықтар/клубтар, СПА орталықтары/салондары <i>Спорт кешендері, йога орталықтарын қоса алғанда фитнес-орталықтары/клубтар, СПА орталықтары/салондары, бассейндері бар спорттық-сауықтыру объектілері, бассейндер</i>	✓ Демалыс (сенбі, жексенбі) және мереке күндерінен басқа, жұмыс күндері сағат 20.00-ге дейін жұмыс істеуге рұқсат етілген Толтырылуы 50%-дан аспағанда және бір келушіге ауданы кемінде 5 ш. м. болғанда және бассейндер үшін су айнасының жалпы толтырылуы 50%-дан аспағанда, бір адамға 5 ш. м. қамтамасыз етілген кезде, қатаң алдын ала жазылу бойынша <i>«Ashyq» жобасына қатысатын объектілерге: сағат 20.00-ге дейін жұмыс істеуге рұқсат етілген</i>
38.	Көрермендермен бұқаралық спорттық іс-шараларды өткізу	Тыйым салынған <i>«Ashyq» жобасына қатысатын объектілерге: толтырылуы 20%-ға дейін болған кезде рұқсат етілген</i>
39.	Марафондар (ашық ауада)	<i>«Ashyq» жобасына қатысатын объектілерге: 30 адамға дейін рұқсат етілген</i>
40.	Ұлттық құрама, клубтық командалар, облыстық және аудандық командалар үшін спорттық жаттығулар (оқу-жаттығу жиындары)	✓ Рұқсат етілген Адамдар саны 30-ға дейін, байланыссыз термометрия, спорттық базаларда тұру, көрермендерсіз Спортшылардың және жаттықтырушылар құрамының COVID-19-ға қарсы вакцинацияның толық курсы алғаны туралы құжаттамалық растау ұсынылған жағдайда облыстық командаларды даярлау үшін оқу-жаттығу жиындарын қайта бастау
41.	Қазақстан Республикасының чемпионаттарын және республикалық жарыстарды өткізу (бірыңғай республикалық күнтізбе бойынша)	Шешімді ВАК қабылдайды
42.	Халыққа оңалту қызметтерін көрсететін объектілер	✓ Рұқсат етілген Бір отбасы мүшелерін қоспағанда, жеке немесе 3 адамнан аспайтын топтарда
43.	Ерекше қорғалатын табиғи аумақтарға (мемлекеттік ұлттық табиғи парктерге, қорықтарға, резерваттар мен басқаларға) бару	✓ Рұқсат етілген Жеке және 15 адамнан аспайтын ұйымдасқан топтар үшін маскалық режимді және кемінде 1,5 метр қашықтықты сақтай отырып
44.	Мәдениет объектілері (мәдениет үйлері) (дайындық)	Тыйым салынған <i>«Ashyq» жобасына қатысатын объектілерге: 30 адамға дейін, сондай-ақ екі компонентпен вакцинацияланған адамдарға рұқсат етілген</i>
45.	Театрлар, кинотеатрлар, концерт залдары, филармониялар	Тыйым салынған <i>«Ashyq» жобасына қатысатын объектілерге: толтырылуы 30%-ға дейін болған кезде рұқсат етілген</i>
46.	Мұражайлар, кітапханалар	Рұқсат етілген
47.	Өнеркәсіптік кәсіпорындарының қызметі	Рұқсат етілген
48.	Құрылыс және жөндеу жұмыстары (тұрмыстық үй-жайларда байланыс болмаған жағдайда)	Рұқсат етілген
49.	АӨК субъектілері қызметі (ауыл және балық шаруашылығы, мал шаруашылығы және т.б.)	Рұқсат етілген

50.	Тұрақты облысшілік автобустардың, шағын автобустар және облыстың қалалары мен аудандары арасындағы өзге де жолаушылар тасымалының, сонымен қатар автовокзалдардың, автостанциялардың және өзге де жолаушылар көлігі кәсіпорындарының жұмыс істеуі	<p>✓</p> <p>Рұқсат етілген:</p> <ul style="list-style-type: none"> - «Карантин оның ішінде шектеу шараларының қолданылу кезеңінде жолаушыларды және багажды тұрақты тасымалдау жұмысы туралы үшжақты меморандум» жасасу кезінде; - толтырылуы отыратын орындар санының 75%-нан аспаған кезде (<i>қызметкерлердің ауысымы немесе вахта қайта ауысқан кезде оларды тасымалдауды қамтамасыз ететін тасымалдарды қоспағанда</i>); - жүргізушілердің, кондукторлар мен жолаушылардың медициналық немесе матадан тігілген маскаларды міндетті түрде киюі кезінде; - Қазақстан Республикасының Бас мемлекеттік санитариялық дәрігерінің қаулыларымен айқындалған шектеу шараларының, оның ішінде карантиннің қолданылу кезеңінде жұмысқа қойылатын профилактикалық және эпидемияға қарсы талаптарды сақтау кезінде <p>«Ashyq» жобасына қатысатын объектілерге: жұмыс істеуге рұқсат етілген</p>
51.	Облысаралық тұрақты емес (туристік) тасымалдар	<p>Тыйым салынған</p> <p>«Ashyq» жобасына қатысатын объектілерге: толтырылуын 75%-дан асырмай, бірақ 15 адамға дейін болған кезде жұмыс істеуге рұқсат етілген</p>
52.	Қалалық тұрақты емес (туристік) тасымалдар	<p>Тыйым салынған</p> <p>«Ashyq» жобасына қатысатын объектілерге: толтырылуын 75%-дан асырмай, бірақ 15 адамға дейін болған кезде жұмыс істеуге рұқсат етілген</p>
53.	Қалааралық/облысаралық тұрақты автобус, шағын автобус және өзге де жолаушылар тасымалдарының қозғалысы	<p>Тыйым салынған</p>
54.	Қалалар мен елді мекендер ішіндегі қоғамдық көліктер	<p>✓</p> <p>Демалыс (сенбі, жексенбі) және мереке күндерінен басқа уақытта рұқсат етілген.</p> <p>Жұмыс режимі сағат 06.00-ден 23.00-ге дейін, қарбалас сағаттарда (<i>таңертең (сағат 8.00-ден 10.00-ге дейін), кешке (сағат 18.00-ден 20.00-ге дейін)</i>) автобустар санын арттыра отырып, дезинфекциялау құралдарымен өңдеу және соңғы аялдамаларда барлық есіктерді ашу, толтырылуы отыратын орындар саны бойынша, жүргізушілердің, кондукторлардың және жолаушылардың міндетті түрде маскаларды киюлері керек</p>
55.	Қала маңындағы жолаушылар поездарының (электричкалардың) қозғалысы	<p>✓</p> <p>Рұқсат етілген</p> <p>Ортақ вагондарсыз (<i>Қазақстан Республикасының Бас мемлекеттік санитариялық дәрігерінің және Көліктегі Бас мемлекеттік санитариялық дәрігердің қаулыларына сәйкес</i>)</p>
56.	Жолаушылар поездарының қозғалысы	<p>✓</p> <p>Рұқсат етілген</p> <p>Ортақ вагондарсыз (<i>Қазақстан Республикасының Бас мемлекеттік санитариялық дәрігерінің және Көліктегі Бас мемлекеттік санитариялық дәрігердің қаулыларына сәйкес</i>) ҚР Индустрия және инфрақұрылымдық даму министрлігінің келісімі бойынша</p>
57.	Бильярд	<p>Тыйым салынған</p> <p>«Ashyq» жобасына қатысатын объектілерге: толтырылуы 30% - дан аспаған кезде, жұмыс режимі сағат 12.00-ден 02.00-ге дейін</p>
58.	Ойын клубтары/орындары (компьютерлік клубтар, PlayStation приставкаларын пайдаланатын клубтар және басқалар)	<p>Тыйым салынған</p> <p>«Ashyq» жобасына қатысатын объектілерге: толтырылуы 30% - дан аспаған кезде, жұмыс режимі сағат 12.00-ден 02.00-ге дейін</p> <p>Тек 12 жастағы және одан асқан адамдарға кіруге рұқсат</p>

		<i>етіледі</i>
59.	Боулинг	Тыйым салынған <i>«Ashyq» жобасына қатысатын объектілерге: толтырылуы 30% - дан аспаған кезде, жұмыс режимі сағат 12.00-ден 02.00-ге дейін</i>
60.	Балалар сауықтыру лагерьлері	✓ Рұқсат етілген Толтырылуы 30% - дан аспаған кезде Стационарлық демалыс және сауықтыру ұйымдарының персоналын жұмысқа жіберу жұмыс басталғанға дейін кемінде 72 сағат бұрын жүргізілген COVID-19-ға зертханалық зерттеудің теріс нәтижесі немесе COVID-19-ға қарсы вакцинацияның толық курсы алғаны туралы құжаттамалық растау болған кезде жүзеге асырылады Әрбір баланың лагерьге келген кезде денсаулық жағдайы туралы құжаты (086/е нысаны), инфекциялық аурулармен, оның ішінде COVID-19 бойынша байланыстың жоқтығы туралы анықтамалар, келгенге дейін кемінде 72 сағат бұрын жүргізілген COVID-19-ға зертханалық зерттеудің теріс нәтижесі бар құжаты болуы тиіс
61.	Цирктер	Тыйым салынған <i>«Ashyq» жобасына қатысатын объектілерге: толтырылуы 30% - дан аспаған кезде рұқсат етіледі</i>
62.	Балалардың ойын-сауық орталықтары (жабық үй-жайлардағы ойын алаңдары, аттракциондар, жағажайлар және аквапарктер)	Тыйым салынған
	Ауданы 1000 ш.м дейінгі балалар ойын-сауық орталықтары (жабық)	<i>«Ashyq» жобасына қатысатын объектілерге: ✓</i> бір адамға ауданы кемінде 10 ш.м. қамтамасыз етілген жағдайда, бірақ 30 адамнан аспаған кезде
	Ауданы 1000 ш.м. және одан жоғары балалар ойын-сауық орталықтары (жабық)	<i>«Ashyq» жобасына қатысатын объектілерге: ✓</i> бір адамға ауданы кемінде 10 ш.м. қамтамасыз етілген жағдайда, бірақ 60 адамнан аспаған кезде
63.	Ашық ауадағы аттракциондар	Рұқсат етілген
64.	Жерлеу рәсімдерін өткізу (ас беру)	Тыйым салынған
65.	Банкет залдары*** (ас беру)	Тыйым салынған <i>«Ashyq» жобасына қатысатын объектілерге: толтырылуы 30% - дан асырмай, бір адамға ауданы кемінде 4 ш.м. қамтамасыз етілген кезде, бірақ 30 адамға дейін болғанда сағат 07.00-ден 20.00-ге дейін жұмыс істеуге рұқсат етілген</i>
66.	Банкет залдары *** (мейрамханалар мен дәмханалар типі бойынша қызмет көрсету)	Тыйым салынған <i>«Ashyq» жобасына қатысатын объектілерге: толтырылуы 50% - дан асырмай, бірақ 50 орынға дейін болғанда сағат 07.00-ден 20.00-ге дейін жұмыс істеуге рұқсат етілген</i>
67.	Ойын-сауық мекемелері: караоке	Тыйым салынған <i>«Ashyq» жобасына қатысатын объектілерге: толтырылуы 50% - дан асырмай, бірақ 30 адамға дейін болғанда сағат 07.00-ден 02.00-ге дейін жұмыс істеуге рұқсат етілген</i>
68.	Ойын-сауық мекемелері: түнгі клубтар және басқа да орындар	Тыйым салынған
69.	Океанариум	Тыйым салынған <i>«Ashyq» жобасына қатысатын объектілерге: топтық экскурсияларға рұқсат берілген (15 адамға дейін)</i>
70.	Көрмелер	Тыйым салынған <i>«Ashyq» жобасына қатысатын объектілерге: толтырылуы 70% - дан асырмай, бір адамға</i>

		<i>ауданы кемінде 6 ш.м. қамтамасыз етілген кезде, бірақ бір уақытта 150 адамға дейін болғанда жұмыс істеуге рұқсат етілген</i>
71.	Ойыншылармен (жеке тұлғалармен) кейіннен ақша қаражатын төлей отырып бәс тігетін ұйымдар (букмекерлік және өзге де мекемелер)	Тыйым салынған
72.	Лотереяларға қатысуға арналған жабдығы (терминалдары) бар лотерея ойындарын өткізу бойынша объектілер және лотереяларға қатысуға арналған терминалдары бар өзге де объектілер	Тыйым салынған «Ashyq» жобасына қатысатын объектілерге: ✓ бір адамға ауданы кемінде 4 ш.м. қамтамасыз етілген кезде, бірақ 30 адамнан аспағанда
73.	Қоғамдық тамақтану объектілерінде, ойын-сауық объектілерінде, кәсіпорындарда, мекемелерде және кеңселерде бұқаралық ойын-сауық іс-шараларды, бейбіт жиналыстарды, форумдарды, конференцияларды, іс-шараларды (корпоративтерді) өткізу	Тыйым салынған, оның ішінде спорттық іс-шараларға
74.	Ойын-сауық агенттіктерінің және үйге барып ойын-сауық қызметтерін көрсететін басқа да ұйымдардың қызметтеріне (аниматорлық қызметтер, балалар шоулары, мастер-класстар, интерактивті спектакльдер және басқа да қызметтер)	Тыйым салынған
75.	Бұқаралық отбасылық, салтанатты, еске алу (банкеттер, үйлену тойлары, мерейтойлар), әдет-ғұрыптық және басқа да іс-шаралар, оның ішінде үйде өткізу	Тыйым салынған
76.	Адамдар көп жиналатын жерлерде (алаңдарда, скверлерде, саябақтарда, серуендеу және жағалау аймақтарында), оның ішінде жабық үй-жайларда (клубтар) бұқаралық, театрландырылған қойылымдар, аниматорлар мен қуыршақтар қызметтері, шоу-бағдарламалар, концерттер және басқа да бұқаралық іс-шаралар	Тыйым салынған
77.	«Ashyq» жобасының ерікті қатысушылары (ЖОО, киноиндустрия, банктер, ұйымдар, кеңселер және басқалары)	Жеңілдіктерсіз
78.	Әуежайлар	✓ Рұқсат етілген <i>(Қазақстан Республикасының Бас мемлекеттік санитариялық дәрігерінің және Көліктегі Бас мемлекеттік санитариялық дәрігердің қаулыларына сәйкес)</i> «Ashyq» жобасына қатысатын объектілерге: Рұқсат етілген Қолданыстағы жұмыс режимі
79.	Теміржол вокзалдары	✓ Рұқсат етілген <i>(Қазақстан Республикасының Бас мемлекеттік санитариялық дәрігерінің және Көліктегі Бас мемлекеттік санитариялық дәрігердің қаулыларына сәйкес)</i> «Ashyq» жобасына қатысатын объектілерге: Рұқсат етілген Қолданыстағы жұмыс режимі

Ескертпе:

«Рұқсат етілген» - **объектінің қызметіне Қазақстан Республикасының Бас мемлекеттік санитариялық дәрігерінің қаулыларында айқындалған санитариялық қағидаларды, алгоритмдерді (талаптарды) және**

күшейтілген санитариялық-дезинфекциялық режимді, термометрияны, маскалық режим мен әлеуметтік қашықтықты сақтаған кезде, белгі салған және тиісті дайындық актілерін алған кезде **рұқсат етілген**

«✓»

- Қазақстан Республикасының Бас мемлекеттік санитариялық дәрігерінің қаулыларында айқындалған санитариялық қағидаларды, алгоритмдерді (талаптарды) және күшейтілген санитариялық-дезинфекциялық режимді, термометрияны, маскалық режимді және әлеуметтік қашықтықты сақтаған кезде, белгі салған және тиісті дайындық актілерін алған кезде **қызметке ішінара (шектеулермен) рұқсат етілген**

«Тыйым салынған»

- объектінің қызметіне **тыйым салынған**

Сілтеме:

*- Ұйымдар, кеңселер қызметкерлерге COVID-19-ға қарсы вакцинациялау жүргізілген жағдайда қызметін қашықтықтан және көзбе-көз жұмыс форматында жұмыс істейтін қызметкерлердің пайыздық арақатынасы жөніндегі талаптарды ескермей жүзеге асырады. Бұл ретте COVID-19-ға қарсы вакцинациялаудың толық курсын алған және соңғы 6 ай ішінде COVID-19-бен ауырып жазылған барлық қызметкерлердің көзбе-көз режимде жұмыс істеуіне жол беріледі.

** - толтырылу бойынша өлшемшарттар ҚР БМСД 2020 жылғы 25 желтоқсандағы № 67 қаулысымен бекітілген объектілерге қойылатын талаптарда айқындалған.

*** - банкет залдары мейрамханалар, дәмханалар типі бойынша ас беру және келушілерге қызмет көрсету үшін жұмыс істейді.

**** «Ashyq» жобасына қатысатын объектілерге:

«Ashyq» көшбасшысы» мәртебесі бар жобаға қатысушылардың тізімін ЖАО ҚР БМСД 2021 жылғы 3 маусымдағы №26 қаулысымен бекітілген «Ashyq» көшбасшысы» мәртебесін беру өлшемшарттарын ескере отырып қалыптастырады, ВАК шешімімен бекітіледі және әкімдіктің сайтында орналастырылады.

«Ashyq» көшбасшысы» мәртебесінің қолданылу ұзақтығы – 2 апта.

«Қызыл» аймақтағы «Ashyq» көшбасшысы» мәртебесін алған жобаға қатысушылар «сары» аймақтың талаптары бойынша жұмыс істейді.

«Сары» аймақтағы «Ashyq» көшбасшысы» мәртебесін алған жобаға қатысушылар «жасыл» аймақтың талаптары бойынша жұмыс істейді.

«Жасыл» аймақтағы «Ashyq» көшбасшысы» мәртебесін алған жобаға қатысушыларға жұмыс режимі 2 сағатқа қосымша ұзартылады, сондай-ақ объектіні толтыру 10%-ға арттырылады.